



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DLIII. ad annum DLXXVII.

Parisiis, 1644

Epistola IV. Pelagii Papae I. Ad Narsen Patricivm. Vt schismaticos, a quibus
fuerat iniuste communione interdictus, reprimat.

urn:nbn:de:hbz:466:1-15324

EPISTOLA IV.

PELAGII PAPÆ I.

AD NARSEN PATRICIVM.

Vt schismaticos, a quibus fuerat iniuste communione
interdictus, reprimat.

Pelagius, Narſæ patricio.

Ansel. lib.
12. cap. 47.
Polyc. ibid.

RELEGENTES literas excellentiæ vestræ, de iniuria quidem, quam vobis iniquorum hominum præsumptio ingessit, valde doluimus. Sed quia scimus occulto Dei iudicio animam vestram, et si per aliorum iniquitatem & superbiam, a contaminatione schismatis custoditam; egimus omnipotenti Deo gratias, qui etiam de malis hominum actibus bona operari consuevit. Nec enim sine illius prouidentia factum esse credendum est, vt insensati & peruersi homines ad hoc usque profilirent, vt suam divisionem catholicam esse credentes ecclesiam, a sua vos pollutione prohiberent. Sic enim per misericordiam Dei etiam nescientibus illis hoc factum est, vt a schismaticorum factione eruti, catholicæ, quam diligitis, seruari vos contigisset ecclesiæ. Quamuis igitur vestra per illorum scelus utilitas facta sit; nolite tamen impunitam præsumptionem iniquorum hominum grassari permettere. Si enim hoc quod in vestram gloriam præsumperunt, non fuerit vindicta compressum; quod in minoribus non valeant puniri, ambigi ultra non debet. Exercete igitur in talibus debitam auctoritatem, & ne eis amplius talia committendi spiritus crescat, vestris coercionibus reprimantur. Ad hoc siquidem Dei nutu etiam contra vos talia præsumperunt, vt alia vobis corrigentibus, ab eodem scelere alios possitis, Deo propitiante, munire. Quales autem sint qui ecclesiam fugiunt, Eufrasii vos sclera (quaæ amplius occulta Deus esse noluit) euidenter informant: qui in homicidio quidem nec hominis necessitudinem, nec fratris caritatem, nec facerdotii reverentiam cogitauit. Incestuoso autem adulterio etiam ipsius vindictæ abstulit modum: quia, si adulterium punias, non remanet in quo vindicetur incestus. Si incestuoso ingeras poenam, inustum crimen adulterii remanebit. Ecce, de quo collegio

sunt, qui quantum ad superbiam suam, iniuriam vobis inferre moliti sunt; & quantum ad prouidentiam Dei, im pollutos vos ecclesiæ seruauerunt. Auferte tales ab ista prouincia, vt imini oblata vobis a Deo opprimendi perfidos occasione. Quod tunc plenius fieri poterit, si auctores scelerum ad clementissimum principem dirigantur: & maxime ecclesiæ Aquileiensis inuasor, qui * & in schisma-^{* f. est} te, & in eo maledictus, nec honorem episcopi poterit retinere, nec meritum.

EPISTOLA V.

PELAGII PAPÆ I.

AD NARSEN PATRICIVM.

Monet vt Aquileiensem & Mediolanensem episcopos ad principem sub custodia dirigat.

Pelagius, Narſæ patricio.

ISTUD est, quod a vobis poposcimus, & nunc iterum pos-
tulamus, vt Paulinum Aquileiensem pseudoepisco-
pum, & illum Mediolanensem episcopum ad clementissi-
mum principem sub digna custodia dirigatis; vt & iste
qui episcopus esse nullatenus potest, quia contra omnem
canonicam consuetudinem factus est, alios ultra non per-
dat; & ille qui contra morem antiquum eum ordinare
præsumpsit, Canonum vindictæ subiaceat. Nec licuit ali-
cui aliquando, nec licebit particularem Synodus con-
gregare: sed quoties aliqua de vniuersali Synodo aliquibus
dubitatio nascitur, ad recipiendam de eo quod non in-
telligunt, rationem, aut sponte ii qui salutem animæ suæ
desiderant, ad apostolicam sedem pro recipienda ratio-
ne conueniant: aut si forte (sicut de talibus scriptum est,
Peccator cum venerit in profundum malorum, contemnit) ita ob-
stinati & contumaces extiterint, vt doceri non velint;
eos ab eisdem apostolicis sedibus aut attrahi ad salutem
quoquo modo necesse est, aut (ne aliorum perditio esse
possint) secundum Canones persæculares comprimi po-
testates.

Anfel. lib.
12. cap. 42.
Polyc. lib.
1. tit. 15.

Prov. 18.